



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 127. De bonis traditis in villa Billurbeke in Flethunun-marca, in villa Riudiu in pago Ambergo et in Riudiana-marcu, in villa Liukiungun in pago Mersthem, et in villa Liuttingeshem in pago ...

urn:nbn:de:hbz:466:1-36114

linquerat omnia *bardo comes* tradidit ad reliquias *sc̄orum* martirum *stephani* gubernante *Luidolfi* et *uiti* hac ei potestate contradita *ab uxore Luidolfi* (r) atque a suis propinquis haec namque traditio ea tamen ratione firmata est ut praedicti *Luidolfi* uxor ea possideat usque ad obitum suum nisi alius locus ad manendum accommodetur testes *tiadbert hildilet hahger folcrid hramnulf hildiuuard hildired eilhart meyndac*.

§. 127.

Tradiderunt *bunico* et *ricdac* quidquid habuerunt in *billurbeke* (f) et de

Saxoniae, Germaniae, Galliae, Normanniae, Bauariae, Sueviae, Ungariae, Moscoviae ac Poloniae. Multos vero versari in grauisimo errore, intelligitur ex hoc loco. Atque ut tantis incitiae tenebris lucem infundamus, supra §. 29. not. (1) ex Uffingio didicimus, *patrem Cobbonis* fuisse ducem Saxoniae *Echertum*. Quodsi ergo *Luidolfus germanus Cobbonis* fuit, quo nomine hic euentissime indicatur, inde sequitur, ut, *patrem Luidolfi* eundem *Echertum* fuisse, existimare deceat. Diutius ergo in errore viri aliquot eruditi versentur non oportet. Firmissimum enim et grauisimum habemus hoc loco testimonium scripti coeui atque omni exceptione maioris.

- (r) *Luidolfi uxor* nominatur ab *Hroswitha* in carmine de constructione caenobii *Ganderfemensis Oda*, filia *Billungi* et *Aeda*. Hanc autem *Aeda* fuisse editam ex clara potentum Francorum stirpe, eadem *Hroswitha* memoriae prodidit. Ipsa *Billungum* appellauit *principem alnum*. Optandum foret, ut *Hroswitha* huius *Billungi* et *Aeda* progenitores luculentius denotasset. Quia autem id factum non est, coniecturis aliquid dandum videtur. Supra ergo §. 104. not. (w) iudicauimus, istum *Billungum* fuisse fratrem *Amalungi I*, satoris ac conditoris familiae illustrissimae *Billinganae*. Porro loco laudato *Bennitbi I* filium fuisse *Billungum*, probabiliter asseruimus, a propatruo sine dubio ita appellatum. *Amelungus III*. porro filium *Billungum*, a cognato suo rursus ita nuncupatum, habuerit necessum videtur. Vnde consequi videtur, nomen *Billungi* in hac domo tritum et usitatum fuisse. *Billungum I* eiusque filiam *Odam*, uxorem *Luidolfi*, ad familiam *Billinganam* retulisse me non poenitebit. Adductus autem sum ad sic sentendum accuratori loci huius consideratione. Intelleximus enim *Odam*, *Luidolfi* uxorem, id operam dedisse, ut bona, hic memorata et in pago *Bardengo* sita, in salutis sui mariti sempiternae adiumentum donarentur. Ea vero ipsa bona sub hac conditione fuisse tradita, ut *Luidolfi uxor* ea possideret usque ad obitum suum, nisi alius ei locus, ubi ipsa moraretur, accommodaretur, exinde collegimus, ea, quae tradita sunt, ad dotem serenissimae *Odae* spectasse. Quodsi vero inter omnes constat et peruulgarum est, ac ipsemet supra §. 104. not. (w) demonstraui, familiae *Billinganae* maximam bonorum suorum partem in pago *Bardengo* atque adiacentibus prouinciis fuisse, nullam video rationem, qua induci possim, ut *Luidolfi* uxorem *Odam* huiusque patrem *Billungum* e geneologia *Billingana* eradam. Hoc loco statuitur, *Odam* bona haec possessuram fuisse usque ad obitum suum. Inde potest duci coniectura, hoc tempore nondum definitam fuisse constructionem monasterii *Gandersheimensis*. Notum enim est, illustrissimam *Odam* in eodem monasterio commorata esse usque ad excessum suum, quum *decies denos septem quoque vixerat annos*, ut *Hroswitha* verbis utar.

- (f) *Billurbeke* villa, teste *Registro* nostro, figitur in *Flethunun-marca*. Haec probabilissime terminum indicat pagorum *Fleithi* ac *Rittiga* et fortassis etiam pagi *Billurbeke*. Villa eadem sine vilo dubio est vicus *Bilderbeck* in praefectura *Gandersheim* intra Principatum *Wolferbuttelanum*. Ex eo villae situ diiudicari potest, quam in regione *marca* eadem fuerit, scilicet in regione villae *Billurbeke* iuxta *Leinam* et amnem *Aue*, haud procul inde versus locum *Hatticheshufon* seu *Haishufon* seu *Haishufen* *Leinae* se committentem. Amnis *Aue*, ex *Westerhoua* defluens, disceuit pagos tres illos. Si diplomata *Altfredi* episcopi *Hildesheimensis*, ac *Ludouici*, Romanorum regis appellati, de anno 872 et 873, quae exhibent *J. G. Leuckfeldius* in *Antiq. Gandersib.* p. 287. seqq. atque *Haven-*

Ab anno 826 usque 853 imperante Hludovico et de ipsa *loine* (t) quidquid hildiger habuit tradiderunt etiam in *riudium* (u) latum nomine huilec cum sua familia et possessione quam ipse ibi habet et *biuangum* (v) in *riudiana marcu* (w) tradiderunt etiam quidquid habuerunt in *liukiungum* (x) et in *liuttingeshem* (y) testef hager yuo godesman arnold marcuuard reodheri.

§. 128.

Tradidit aibert in *duthungum* (z) quidquid ibi habuit testef hager eilhard adubert redulf et alii quatuor.

§. 129.

Havenbergius in Histor. Gandersb. p. 138 seqq. genuina essent, tunc euincere possemus, nostrum *Riedacum* eundem Riddagum comitem fuisse, qui in diplomatibus illis appellatur *strenuissimus* atque *illustriissimus princeps* ac fundator monasterii Lamspringensis in episcopatu Hildesheimensi. Quemadmodum vero multa in eisdem diplomatis reperiuntur, quæ falsitatis macula et sublesta fide laborant, ita persistimus in eadem sententia, quam supra §. 104. adtulimus, *Riedacum* nostrum ad Widekindam stirpem pertinuisse. Vnde emendandam esse sententiam eorum putamus, qui Riedagum cœnobii Lamspringensis fundatorem cum beato *Lauensteinio* aliisque adpellant *Comitem Winciburgicum*. Testimonia enim scriptorum coætanæ, quæ omnem rem hic stabilire debent, omnino defunt eis, qui sic sentiunt. Stat tamen sententia, Riedagum fuisse in Comitatu Fleithun pagi virum illustrem ac Comitem, atque Lammespringensis monasterii conditorem.

De flumine Loine. (t) *Loine* est fluuius Leine, de quo vid. supra §. 33. not. (u), Loine, Linne, Lone, Lune, adpellationem traxere ex flexu et anfractibus, seu ex *Lenen*.

De villa Riudium. (u) *Riudium* villa in nostro Registro posita deprehenditur in pago *Ambergo*. Designatur vtraque villa, Grossen-Rüden in præfectura Bilderlah episcopatus Hildesheimensis, atque Kleinen-Rüden in Principatus Wolferbuttelensis præfectura Sefens. Villam vtramque circiter discernit interfluens amnis Nette. De reliquo villa vtraque vnus est vicus, olim bipartitus.

(v) *Biuangus* quid sit, dixi supra §. 68. not. (L)

De Riudiana-marcu. (w) Quid *marcus* significet, iam supra §. 118. not. (X) indicauimus. Nunc vero e nobis videris querere: a quam villa *Riudiana marcus* sit appellatus? In promptu ratio est denominationis. Marcus hic a villa Rüden, quam meminimus, adpellationem traxit, in cuius pagi confiniis versus occasum initium fuit tractus Flentigau seu Fleithi. Nolim tamen peruicaciter contendere, marcus vbiq; esse provincie limites. Villæ enim maiores olim suis gauise marcis. Id ex Traditionibus Fuldensibus passim licet colligere, marcos a villis fuisse denominatos. Complexus agrorum maior dictus fuit olim *biuangum*, ein Befang, Umfang, *conceptio*, *comprehensio*, *breida*, eine Breite.

De villa Liukiungum. (x) *Liukiungum* villa erat, testante Registro nostro MS&to, in pago *Mersbem*; qui vero vicus designatus sit, id ignorare nos, libenter fatemur. Omnes quidem ingenii mei neruos in inuestigationem huius villæ per aliquot dies intendi, sed oleum atque operam perdidit. Doctis ergo viris et præcipue Hannoveranis eandem villam relinquo expiscandam, statuerè dubitans, an vicus *Lockum*, vbi celebratissima est abbatia, definiatur.

De villa Liuttingeshem. (y) *Liuttingeshem* exstitit in pago *Guddinge*, testante Registro nostro sapissime excitato. De pago *Guddinge* vide supra §. 7. not. (n). Probabiliter reputo villam pro vico *Lubrechtisen*, inter Banteln sito et Deinsen, vicos Principatus Calenbergici. Exstat haud procul a Duinen vico vicus Lütkenholtesheim in Principatu Wolferbuttelano. Eadem autem hæ villæ scilicet *Liukiungum* et *Liuttingeshem* me impulerunt, vt statuendum putem *Buniconem* ac *Riedacum* in stemmatis Widekindæ profapia. Nam supra indicatum fuit, stirpem Widekindam in eadem regione amplissima possedisse prædia. Quomodo autem in manus Wittikindigenarum peruenerint villæ in Riudiana marcu, id indicare non licet. Fortassis erant eadem pars hereditatis ducis Ostfalorum Aficonis seu Hessi.

De villa Duthungum. (z) *Duthungum* villa fuit sita in pago *Aringbo*, vt approbat præstantissimum nostrum *Registrum*